

常山貞石志

常山貞石志卷十五

諸授朝議大夫直隸正定府知府今調廣平府知府前署大順廣兵備道沈潯謨

金三

通鑒大師塔銘并陀羅尼真言幢

幢高三尺二寸五分八面每面廣六寸五分第一面額題通鑒大師靈塔六字二三四面刻經每面六行行三十三字後四面刻塔銘每面行數字數不等並正書明昌七年十月初一日立今在正定府城西關內月城

佛頂尊勝陀羅尼啓請

經文不錄

真定府華嚴寺通鑒大師能公塔□

天國萬壽禪寺□□傳法沙門

善慶撰

師孫圓

昭書

師鹿泉之西檀村人俗姓趙□□農為業生而存□
□□□異於常童志學之年□□素母李氏捨□
□□□□□□□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
講肆初依府之嚴福院相□□□受□□□□□□□□
□□□□□□□□□□□□□□□□□□□□□□□□
義□□提空有□照性相
齊融方謀傳法報佛深恩無何天會年間寺罹火厄殿
堂廊宇頓成灰燼□□□和尚泊師同列寺主大師□
□□□基□□歎連月□□□師投□□衆曰物□有
壞迭相倚伏自然□□□□□□□□□□□□□□□

嚴固□九人 正隆四年□□首座□□
 □□普照和尚□建大利數十葬□□□□□□
 □□□□□□之□□出□□者經年普照老□以年邁
 寢疾令師繼主雄席日居月諸誨人不倦道緣大行稟
 師經業分化一方者十有餘人此不具錄度門弟子曰

國恩賜紫□袍授清簡大德大定三年保充□□□□
 □授通鑒大師□□十六年九月二十日辰時示疾委
 順俗壽八十六僧□□□□明昌七年□□嚴信嚴行
 □靈骨起石塔于西城寺之故基□記于□□者人用

□不□□□為銘曰

□□□師 釋門龍象 功成不居 示疾長往 □

□□身 無往者真 真道至德 刻之貞珉

明昌七年季秋望日記 十月初一日嚴信立石鹿

泉匠人蘇祐 刊

門弟子九人 嚴固 嚴秀 嚴正 嚴契 嚴信

嚴實 嚴如 嚴行 嚴印 師孫 圓明 圓

昭 圓貞 圓平 圓□ 圓昌 圓密 圓鏡

圓常 圓成 翺甦 張小郎 俗孫前任持沙門

圓沼

臨壇首座尼妙嚴大德室俊臨壇尼傳妙大德善玉臨

壇尼宗印講經尼宗口 室詳 洪誠 宋三郎

本寺綱首僧 監庫圓應 都和圓總 監寺圓阜

管勾寺主僧 圓口

右幢前刻真言後刻塔銘沙門慶善撰圓昭書嚴信
立石華嚴寺正定府縣志並失載嚴福院亦無攷銘
後題名有黜黠張小郎按黜黠卽外甥黠字見趙岫
石墨鐫華謂與甥同黜字不見字書龍龕手鑑有外
字云卽外字說詳周開化寺白玉石柱礎題名跋

本師釋迦如來三身銘

石高二尺廣二尺四寸二十四行行二十字正書承
安五年七月十五日立今在元氏縣開化寺羅漢殿
中東首
佛座下

本師釋迦如來三身之銘

沙門雲湛讚 □□王瓘書丹

蓋聞三千界主德備乾坤百億能仁行超塵刹是以大
開方便廣設濟門現紫磨丈六之軀王金色大千之界
尊貴兮誕跡王宮寂靜兮權居峯頂因圓兮與果無邊
果滿兮酬因未足於是空有雙尅性相俱圓證一味真
如離二種生死号三覺圓明具四般知見救九有群生
出苦誘十方天人入樂現万類神通絕任坐千葉蓮花
自在三千威儀破我慢之七九八万細行摧邪見之六
二奇哉空中有有了方法而具立多端有內復空悟千
種而並同歸一似万水出自□根源若干江奔流於大

海可謂无生无滅无相无形難測於波濤莫知於涯際者其唯性海歟是以沙門雲湛寔爲思輩碌碌無知何幸宿緣預斯縑室於百方法門中而得毫毛之少許似盲龜值浮木喻病蛤吐明珠豈非忻然而已矣加以全憑

聖祐方成五十三軀稍慕賢財可就冥慈二部今因完備故伸少讚上祝

皇帝萬歲臣宰千秋僧俗父母良緣同證无為理性更異常爲釋子蒙法雨而資善芽遂紹

佛護獲戒寶而除貧窘

大金承安五年七月十五日門人僧惠朗 惠澤

惠淨 惠清

□□ □□ 立石

真定府元氏縣開化寺十王院轉教功德主賜紫沙

門 雲湛 謹讚

右銘沙門雲湛讚王瓊書瓊卽大定二十六年書游

封龍山記者

勅公和尚塔銘

幢高三尺八面每面廣六寸第一面題勅公和尚塔
銘六字第二三四五面刻經每面六行行二十字第
六七面刻記十行行二十九字並正
書泰和二年二月立今在漿城野

佛頂尊勝陀羅尼

真言不錄

師諱洪勅俗姓高氏威州井陘人也幼稚之年志性溫
□至年□□□□捨送真定府廣淨院出家禮德公
法師為師志習經業講法華□□□□定十三年試
經中選蒙 授具戒自後依逐本師永樂廣福院助營
□□羅漢殿功德聖像皆成次緒至大定二十二年
又隨本師同受□請□□寺竭力營辦藍宇重新田
園茂盛皆師助營□力□至泰和元年二月二十五日
緣畢歸寂俗年五十二僧□□十□有門人福□□□
□□□□絲幢一坐永為瞻礼記其實事耳 寺
主□□下助

泰和二年二月 日門人□□立 副寺主□□

典座□□ 門人福和 沙弥福朗

河北西路真定府都僧錄判官特授大德本寺住持
沙門洪印

里人董□□書 本邑石匠馬福趙□刊

石幢董某書名已泐不可辨廣淨院府縣志無廣福
院疑卽廣福寺在府城東南宋元祐中建見府志

元氏縣令高仲倫德政碑

碑高六尺八寸廣二尺六寸二十二行行五十一字
行書篆額有陰泰和二年三月二十日立今在元氏
縣城內城隍廟前

高公德政碑

大金元氏縣令□□□□□□□□

趙郡呂鑑撰

趙郡將仕郎崔金龜書丹

趙郡王

鏗篆額

古建侯伯後裂而為守令縣令之職一同之民命係焉
亦可謂重矣元氏真定之名邑也永安四年冬遼東高
公□□旻邑公□仲倫聽政未幾改歲春乾公萃□姓
而語曰天之不雨我之過耶舊政之遺孽耶可卜於天
天不我應我□□也禱之以誠二日而雨旻公無自恃
愈黽勉於簿書之間因得前令和買民物舊籍以歲計
之已歷二霜曾無百姓□□之□□□□曰□置守令
所使宣德化而流恩澤也

朝廷方切切於富民不忍摧其子而至於壘恥間有所

取必益且而償之今物入

公家已久矣而民猶無所得彼雖必知為貪吏之所欺
問有愚而寡知者或怨焉是非

主之恩澤過而不流中園非為令者之罪於是窮治其
姦簡聽而得其情俾出其幾厚立之資□償民物之直
仍以濟衆屏之使不得復還迹於公庭既知民之所苦
凡虎哉忍於為虐者采□其翼折其角置之於阱陷之
中而後已又有所謂豪强者炎其勢以逼於寒素熾其
黨以燦於微弱公削勢破黨俾無所措手足罹殃於低
層者扶持而振起之皆得自由於優游之地公精於聽
斷其政如神凡投牒於庭下者能照其肝膽處之以公

受責者不以為寃得申其情者亦不為私口故政平訟理凜凜然有古君子之風方其未下車之時人厭追胥境多盜賊則處也不足於夜自下車以來盜賊之他人不識一吏兵犬足不生釐矣縣既無事公口曰昔三代之有司治廬舍委積以待賓客者備矣今學士大夫居趙為官多其曳裾於公廨之外者日至予所以待之上酬酢於公庭亦未為便親以俸餘緡亭於城隅士之來者雖占一藝名一善例接之以禮而燕醵於其間縣民榮之曰孰謂章甫縫掖可使銅印墨綬折腰乎復遣子入學者多矣公留心學校有日於茲欲民之皆化故復及此公之用心其亦文翁之用心也神山梁國材久沐

公之德以瓜期已至竭履東來口誦其灼灼可驚之迹
祝余為記然梁國材非有口者以不能厯厯言之為恨
余亦止以所傳施之□□授祇以橫目之謠謹採其所
以歌者復為之贊贊曰

雨結而濡 田不至穉 澤過而流 民不遺利

虎翼其體 時為余坑 犬戾其足 夜無余驚

興學風行 鼓□□□ □閤□長 奏琴搜古

公及其代 難愛之忘 衆無所謝 願壽而康

泰和二年季春二十日龍山牛舌正并神山梁國材
立石

碑陰

二十一
行正書

人名不錄

右碑呂鑑撰崔金龜書王鏊篆額其名皆不見史乘
高仲倫遼東人見府縣志名宦傳

元氏縣重修社壇記

前記十一行行三十字後題名五行行字不等額題
元氏縣重修社壇之記九字並正書泰和二年刻宋
政和元年社壇圖碑陰

重修社壇趾口記

進士劉夔述

宋泰書丹并

題額

古之人口口口口口口物口口口以口變非口口英特者
不能預及之切見

國家太平日久□討故事□崇祀典春秋□□日□祭
于

社稷之神風伯雨師以配其□□

旨以告天下一于郡縣□一□而行□吾□□走相告
之曰城之隅西南舊有遺址值兵火以□廢為□農
獲□□銘以存□□□之于公府欲復之而不暇適
我

賢令懷□□□□□秋報之禮□苟□□于草莽
之中甚不赴

朝廷重神之□于是□心□□千古風率□□形于謙
德諮謀僚佐崇起壇壝命刻缺文力□□□俾後人不

忘復□之□而侯亦美其能救弊之譽一新入之□□
故□書□□□之□□泰和二□□□朔日

匠人胡昌刊

刑案□□錫 兵□□□ 刑案張偉 工案何閏

^上泐典史宋泰 吏□□□ 戶案高郁 禮案鄭珪

^上泐□□□□勾常平倉事騎都尉彭城郡開國男食邑

三伯戶蒲察 □家奴

^上泐□□□□□倉事騎都尉彭城郡開國男食邑

三伯戶粘割 □頭

^上泐縣^{約缺}都尉金源郡開國伯食邑七伯戶溫迪罕

胡失門重立

右記劉夔述宋奉書丹并題額額缺左角故少二字
標曰社壇下一字已殘其半止見左旁從足當是趾
字碑磨滅殊甚微辨之記末隱隱有紀年作泰和二
〇〇〇朔日以記後題名及記中缺筆字撰文人名
攷之當是金源時刻進士劉夔元氏縣志不載大安
三年元氏縣開化寺羅漢院重修前殿記亦題進士
劉夔撰當卽其人攷金熙宗諱亶故碑中壇字缺末
筆金史禮志貞元元年閏十二月建社稷壇於上京
大定七年七月建壇於中都州郡祭享一遵唐宋舊
儀又明昌五年因禮官言國家自祖廟禘祫五享外
惟社稷嶽鎮海瀆定爲常祀而天地日月風雨雷師

其禮尚闕宜詔有司講定尚書省奏天地日月或親
祀或令有司攝事若風雨雷師乃中祀合令有司攝
之且又州縣所通祀者也合先舉行制可歲以立春
後丑日祀風師立夏後申日祀雨師其儀如中祀祀
雨師日亦祭雷師於位下同下祀又章宗本紀明昌
四年二月始以春秋上戊日祭社稷又記後列銜有
金源郡開國伯金百官志郡伯舊曰縣伯永安二年
更其說未的已詳前琛公塔銘跋記後題名五行左
讀上截尤漫漶前二行可辨者六人有戶案禮案刑
案工案諸名蓋皆縣司吏也金史百官志中縣司吏
八人下縣六人元氏縣金隸河北西路真定府又碑

有典史一人案典史之設起於元代而金源已有之
如天會十五年奇石山磨崖記後題名有典史陰義
及此碑典史宋泰是也金史百官志不載可謂疏略
矣金制溫迪罕爲白號之姓封金源郡蒲察粘割爲
黑號之姓皆封彭城郡與碑題名正合金國語解溫
迪罕漢姓曰溫蒲察漢姓曰李粘割或作粘哥亦作
粘合史不載其漢姓

玉皇象座上題記

字刻座上座高四寸五分廣一尺一寸八分十七行
行字不等正書泰和五年六月十二日造今在行唐
縣

真定府行唐縣南陽觀 缺

人名不錄

維大金泰和五年歲次乙丑六月丁亥朔望前有二日
特建立昊天玉皇大帝聖像畢

匠人石 仝 賈忠刊

知觀王 仁祐 忝書

右題王仁祐書其題忝書二字他碑所罕見南陽觀
當卽南羊觀在行唐縣北十里見縣志

勝公法師塔銘

石高三尺三寸八面每面廣五寸第一面題勝公法
師塔銘六字第二三四五面刻經每面四行行三十
二字餘刻塔銘每面五行並正書大安二年
五月二十七日建今在獲鹿縣西南靈巖寺

佛頂尊勝陀羅尼

彌寫沙門佛陀波利譯

經文不錄

靈崑院勝公法師塔銘

師法諱道勝俗姓周氏通真定府元氏縣神岩鄉西括
壁村人也家世為農大崇善之門父母幼年遂捨送詣
獲鹿縣土門連珠洞禮珪公居士為師於是居士亦見
相契乃訓名從之侍師數載勿曾有懈師化之後復禮
靈崑院因公長老為師纔落髮緇衣每日常習所試者
五大部之經義意精微至大定二十二年季秋試中後
來年四月內受具尸羅於是堅持戒律徧歷諸方披尋
教典不暇於般若心經幽贊粗達意趣每得受持至素

和二年歲次壬戌正月內染疾迄自三月初二日暮夕
索衣奄然而逝壽年五十六歲僧臘二十夏親法屬者
道信亦先試經受戒師之門人唯式明壽乃買度具戒
依禮茶毗葬畢叔師靈骨酬恩報德擇洞之石而下其
兆特造經曰傳於因乃為銘曰 疊石層層 凌室
岌岌 天人瞻敬 二俱獲益 生靈 如 道因名
飛 我今虔誠 稽首歸依

大安二年五月二十七日師姪口濟 門人明壽建
助緣家屬兄周溫 嫂白氏 口口氏 口口口口
口 里人 王玘 牛琪 何現 同刊

右幃無書撰人姓名勝公名法勝兄國公塔銘即國

公弟子也

理公和尚塔銘

幢高三尺一寸五分六面每面廣六寸二分第一面
題理公和尚塔銘六字第二三四面刻經後四面刻
塔銘每面六行行三十七字並正書大安三
年四月二十一日立今在獲鹿縣金嚴寺

佛頂尊勝陀羅尼

廟賓沙門佛陀波利譯

經文不錄

獲鹿縣土門靈巖院理公和尚塔銘

夫法身湛寂故絕視聽无去无来大覺金軀運慈悲故
来示跡更乃隨機設教極接三根上根者式聞于悟善
行精勤中下者博習鮮解多生退怠公乃煩上根者矣

師法諱宗理俗姓杜氏真定府獲鹿縣岳村人也祖先
相承曰農為業父母俱奉佛門童觀之年侍母終身公
□天會五年間年當十七心樂空門暫訴於父欲祈出
家父即忻然便許遂乃西□至鹿泉西□有古洞一所
號曰連珠死□□人唯乃孑身歎曰真可道人棲□養
性欲於此洞意不可易遂即疊石為垣居庵止洞苦行
精嚴唯服純素後叅

珪公居士者高士之流法門中之龍象也一語相契公
如熱遇其清涼如渴乃服瓊漿居士授曰淨戒約束塵
緣於是堅持淨戒如護鵝曰噉明珠死破死犯侶草繫
稟持不捨於後頗有道伴數人傾心竭力苦行無勞未

嘗有懈至大定二年間請到

琛公和尚住持乃師

禮琛公法名宗理遵於祝髮之儀度入沙門之衆師率其衆曰今擇洞左可建精藍西北阜高土覆山石東南隰下或溝乃濶公之運力那分晝夜宣禪炎寒死人可等大施力□不數年間於高推負遇下填平興蓋殿宇堂廚得所數度管勾院事行業殆衆紀綱凡事已來私無毫髮公有難量死不欽崇忽於泰和五年歲次乙丑仲春二十九日沐浴更衣別衆奄然坐逝壽年八十只歲僧夏四十四年門人道應等依式焚葬是日僧尼同整威儀四衆共助哀聲送葬持服者甚多闍維已畢收師靈骨亦建塔於院之西南門資有二道臻買度具戒

道應依理附藉俗衆門人亦有其多不能具載思師厚
德敬造浮圖囑予不肖聊伸拙句復為銘曰

海螺峯下 靈崑英哲 苾芻理公 平生行口 幼

年弃俗 投歸親切 尋師訪匠 泰求无歇 齋律

精嚴 如霜冰雪 戒香恒薰 行願无缺 性直淳

朴 凡事有决 功成不住 緣盡坐滅 神會天宮

遊行佛闕 遺留蹤跡 窳堵波設 預聖超凡

不達豈越 助贊无窮 播揚難徹

大金大安三年四月二十一日門資 管勾僧道臻

道應 道福 道善 同立石

助緣人 宗千 監庫僧道同 □□□□□ 郭

村洪教院甥甥尼 法仙

本院習經釋明壽 書丹 石匠 牛琪 何現

同刊

右幢前刻真言後刻塔銘無撰文人名釋明壽書宗
理名已見淨珠宗因塔銘蓋卽建興靈巖院者明壽
道勝弟子見道勝塔銘此碑外甥字亦作甥甥

開化寺羅漢院重修前殿記

石高二尺廣三尺三十二行行字不等行書大安三
年九月九日建今在元氏縣開化寺羅漢殿內西首
佛座下

大金貞定府元氏縣開化寺羅漢院重修前殿記

進士劉夔 撰 寺主崇國書

竊觀開化寺殿閣壯麗樹木森聳前列兩廊殊分十院
顯梵宇之尊崇寔元氏之嘉善也唯羅漢之宏敞占東
南之一隅前殿後堂東厨西寮特按僧門之制度因值
兵火焚毀前宇

我國家撫定之初歲次天會庚戌賴有二農士趙雄郭
亮助先師智顯復建是宇奈人心終未安妥僅得木石
草具粗備風雨四壁閑曠方至明昌歲逢癸丑終是吾
僧住持是院俗姓梁氏法諱道宣易圓覺之經講唯識
之論戒律精嚴耳不聽於凡聲目不視於非色出入秋
毫無所犯聽衆日增補南殿之久廢創吻瓦之一新事
無不周備而更嚴飾內像擱換七佛粧染百金水陸

一堂工費千索非吾僧之至善而莫能興也但所獲利
養而不私積罄平所有盡給齋飯之用兼贍往來之賓
仍施本院舊產悉歸常住不遺寸壤衆口籍：誰不欽
羨遂推伏入於長老之位以至街談里語但見落髮而
不循者及以顛倒之言而呼梁唯識之号其行業有如
夫者以今方古斯人難得不其然乎本院群弟遇盟輩
切恐吾師之名久而滅裂遂乃命工採石以鐫始末庶
傳之不朽特召僕以代其說即應之曰老亦歸釋曾預
于講席之下屢欲陳頌以播德恐貽于諂而况見召乎
遂直筆以載其事記歲月之云耳

大安三年歲次辛未重陽日工畢

胡璉 刊

門人 遇阻 遇嗣 遇替同立石

管功德施主 沃州平棘縣吳賈村賈瓊 賈廣

賈昌

本縣苗家庄 董成 董備

西社村 李智信妻呂氏

在城 程澤妻郝氏

寶相寺 尼惠成 張氏

開化寺住持長老羅漢院脩殿漆金像都功德主講唯
識論傳大乘戒沙門 道宣勸緣

右記劉夔撰崇國書劉夔見元氏縣重修社壇記記
文亦其所撰十院之名具見元大德十年開化寺重

修常住佛殿記碑陰碑字之異者如預作預漆作漆
皆俗體

元一

尊勝陀羅尼真言幢

幢高四尺六寸五分八面每面廣四寸八分前三面
刻經每面五行行四十五字正書錄刻萬歲禪院莊
產四至每面五行行字不等行書惠宗二年
四月十八日立今在正定府治西北後寺

佛頂尊勝陀羅尼真言

特進試鴻臚卿大興善寺三藏沙門大廣智不空奉

詔譯

經文不錄

在府萬歲禪院四至莊產四至下項

院子地東至南北官街為界南至蔡相公牆基為界
西至南北官河水心為界北至東西官河水心為界
院地計壹頃伍拾畝

靈壽縣青魚村萬歲禪

院庄子壹所院子伍拾畝東至自己地為界西至王
家出入道為界南至道為界北至水磨渠水心為界
莊東陸地壹畝南北畛計地叁頃東至李家地為界
西至自己南至東西隔子為界北至本院堤為界村
東南金蒲蘭地壹畝計陸拾畝南北畛東至王家地
為界西至劉都統地為界南至鄭家地為界北至城
御為界村南捌拾畝地壹畝東西畛東至鄭家地為
界西至王家地為界南至自己為界北至王家地為

界 龍門澗下地壹畝東西畛計地肆頃東至秋山
寺家地為界西至官道為界南至北宅嶺為界北至
自己為界 靈壽縣上秋山萬歲禪院莊子壹

所大四至為界東至魯伯院分水嶺為界西至秋山
分水白石為界南至紅山嶺龍星為界北至大明川
把頭嶺分水為界 平山縣下延鄉青水裏沙凹
萬歲禪院莊子壹所東至焦壇莊分水嶺為界西至
土嶺分水嶺為界南至殺洋水心為界北至鷹火裏
分水嶺為界大四至已裏有村名七箇石四莊 板
橋口桑林口沙凹石虎頭殺虎裏沙嶺子

大朝壬子年四月十八日 提點僧祖善 監寺祖

昌 副寺善柔并 同立石

提點祖善 監寺祖昌 副寺善柔 維那祖童

直歲善成 庫頭道善

前住持萬歲禪寺長老澤公

現住持傳法嗣祖沙門志堅 勸緣

城西關西北墳地一所計地八畝東至官道為界面
至何家地為界南至何家地為界北至胡百戶地為
界

石幢後題立石年分稱大朝壬子云云案元白世祖
已前未建國號亦無年號紀元國中軍民文書但稱
大朝以甲子紀年而已壬子是憲宗卽位之二年萬

歲禪院金爲十方定林院明爲舍利寺元爲大萬歲
禪寺今寺宇荒頽僅存前後兩殿土人因有前寺後
寺之稱此幢今在後寺殿庭東牆下經後一行書在
城萬歲禪院四至莊產內有云南至蔡相公牆基攷
金史蔡松年傳云天會中松年除眞定判官遂爲眞
定人官至尚書右丞相所云蔡相公當是松年中州
集小傳云松年鎮陽別業有蕭閒堂自號蕭閒老人
府縣志不詳所在據幢所載四至及今寺址攷之松
年故宅當在舍利寺之南府治之西其餘村莊諸名
志乘半所未載

重修大龍興寺功德記

碑高八尺五寸廣三尺三寸五分三十四行行六十七字正書末四行梵書篆額憲宗九年四月二十八日立今在正定府城內隆興寺

重修大龍興寺功德記

大朝國師南無大士重修真定府大龍興寺功德記

常山居士趙從證撰 恒陽石匠楊春刻

宣授輔教大師真定路提口都僧錄釋印從書丹并篆額

不遇至人難興聖會不生異士莫建大功天下之通論也

國師南無大士北卯土迦濕彌羅國人厭世喧擾悉并所有迹迹大雪山之下修頭陀行止絕愛流掃蕩情塵

念念在道了不閒斷日中一食止宿塚間樹下慎不再
矣於此十有三年人見之不堪其憂行吟曳杖而歌綽
綽然有餘裕哉常林豐草之志萃於眉宇是可尚也迄
今苦志脇不沾蓆瓦礫金珠泥塗軒冕豈發大國誓普
命過去未來現在一切有情不落迷津皆令得入諸佛
大解脫門始酬其願每燒壇持咒凡有所禱隨念即應
諸國僧衆咸取則焉稱理之譚片言隻字皆光明藏中
流出不止能具他心宿命之通胷中別有一派海印三
昧蓋得那伽大定乃能此余有時實際理地不立一塵
有時開市門頭不舍一法逆行順化莫測其變故能使
三十七品有樽俎之師九十六種無藩籬之囹每經行

城邑聚落驗人貴賤道人富壽言人否泰斷人休咎著
大圓鏡莫有逃其影像忽尔疑去波羅奈路遇神人止
之汝母南往緣在北方無不成就尔後道駕名流諸夏
神驗多端不能一一縷陳其細

天庭詔之闕下不三數載種種善事惟日不足勸行
宥書活人甚多福田不可量也宗族上下相府大臣遵
而敬之太山北斗累蒙

蒙哥皇帝 眷遇隆厚 宜詔不時常有異 恩詎可
勝計然未嘗少有矜色節次約賜金幣若干悉令所過
名山大川支提列刹如意而用論物不為之不多於禮
不為之不重德望彌達所致癸丑春正月 飛詔南下

自述陟遐曰緇曰素咸入其敬首駐錫於燕每有殘毀
去處必使楮其壞補其缺皆致完備大愜都民之望越
明年親臨趙國敬禮龍興大悲觀音聖像即有座元以
下具備疏文禮請住持本寺遂許之乃嘆曰兵塵以來
破落如是獨有此閣如故尊像儼然必有神物護持知
事僧衆即云菩薩法身地湧之金大悲高閣河潮之木
師以定力觀之事果如余尋令稟奏於上況我觀
音大士所求皆遂有願不違于手者無所不通于眼者
無所不照尋聲救苦憶念除災應物現形如水中月左
右皆曰吾師自道也遂發虔誠興建補葺之意向者
癸丑夏四月寺僧有詰旦瞻拜觀音像前忽見異人在

側即告之我後一白衣自北而來所臨之地異香遠聞
必中興汝刹言訖而沒以今之應果如其言於是師出
囊金全飾其像隨令補修經藏是時感動四衆富者助
緣貧者洒掃壯者效勞技者獻巧前後廊廡堂閣迭起
不日而就簷樑棟光彩相映靈址磅礴湧出庭面粲
然為之一新尔後寺有佛藏有經堂有僧曰佛曰法曰
僧三事備之矣釋子能尔不去無補自乙卯年三月八
日

阿里不哥大王命使扎古兒歹八亦海賁持 令旨悉
除寺門貢賦及賜到白金大作佛事三晝夜丙辰秋
王復命賜白金重修觀音大殿金傅其像丁巳正月

朔日

國師新降到

賢王令旨賜白金 勅印藏經其年六月二十日

王命使禿思吉歹令丞相闊闊歹賜白金看轉大藏經
一會今年二月十有三日 王命塔合住賜白金用

慶新經廣集僧衆作藥師大道場三晝夜是日天朗氣
清慧風和暢萬口一辭稱揚不盡其美其源一出宿鍾
生知之性一出 我師神力所化且昔人聚沙為塔而
獲聖報何況紫金光聚以斯願樂祈嚮殖衆善本薰修
圓滿超證無漏聖果而有日矣

國師又克表裏其事肅近侍使臣塔必牙察塔兒孫往

未深有輔弼之力增新鎮陽士庶耳目著年宿德無不
攷觀僉曰昔焉而土壤今焉而金碧昔焉而蟄閉今焉
而飛動雄壯巨麗不下向來矣夫切濁諸衆生多為煩
惱黑闇之所障礙今以百千日熾盛光而照臨之然非
運上品勝心用大堅固力必不能有今日也偉哉 上
以不忘

皇朝付囑為善之心下以得展名藍欽丞告 天之意
誠懇誠敬無以加諸將延 國祚之無疆福生民之有
永以此知天道無親常與善人信不誣矣而又聞善即
遷見義便為愛恤少孤周急窮困或遇寒餓必哀而憐
之仁人之心可見矣利他之心則盡矣所以化被海外

歸依釋氏非三賢十聖地位中來何有如此手段若論
福德過唐樊尚遠矣神異佛圖澄是也破除魔□如摩
騰竺法課程嚴謹如嵩明教長坐不卧猶脇尊者超放
自如事事無礙類棗栢大士臨事端正見其大節鍾山
僧遠所到之處化為寶坊同大□□建大因緣如麻衣
道者 朝廷師事如智顗國師致使佛門光焰萬丈
大教復興緇流安泰有功於世古今已來未之聞也一
日龍興主僧踵門而來將到行狀即云此文前後事迹
係是塔必暨少林金燈二老備說其詳時木庵大宗師
在座笑而言曰公等素有知人之鑑雖然未能盡述其
美公毋他託當為誌之以告將來不惟發揚

國師盛德之萬一抑亦見 賢王好賢樂善之至僕
俯伏在地辭之再至於三終不見免不愧荒拙何敢為
文以捧土而塞孟津多見不知其量也謹以首尾附告
之辭次第口錄之

歲次己未四月二十八日講主僧智從立石

右記趙從證撰釋印從書並篆額記後有梵書西行
不可識從證印從無攷元改真定府爲真定路在太
宗初此碑建於憲宗末標題猶書真定府者是時制
度未定民間奉行故事多未盡一也碑稱國師南無
大師北印土迦濕彌羅國人案南無印那摩見元史
鐵哥傳傳云鐵哥姓迦乃氏迦葉彌兒人迦葉彌兒

者西域築乾國也父幹脫赤與叔父那摩俱學浮圖氏幹脫赤兄弟相謂曰世道接攘吾國將亡東北有天子氣盍往歸之乃偕入見太宗禮遇之定宗師事那摩以幹脫赤佩金符奉使省民煥憲宗尊那摩爲國師授玉印總天下釋教幹脫赤亦貴用事領迦葉彌兒萬戶迦濕彌羅國一名箇失密國元史作迦葉彌兒又作怯失迷兒憲宗紀三年癸丑夏六月命塔塔兒帶撒里土魯花等征欣思都怯失迷兒等國是也北印土卽北印度唐沙門辨機大唐西域記迦濕彌羅國舊曰罽賓謬也北印度境又云迦濕彌羅國周七千餘里四境負山山極峭峻國大都城西臨大

河南北十二三里東西四五里宜稼穡多華果氣序
寒勁多雪少風土俗輕僇人性怯懦好學多聞邪正
兼信伽藍百餘所僧徒五千餘人有四宰堵波並無
憂王建也各有如來舍利升餘又碑稱自乙卯年三
月八日阿里不哥大王命使札古兒歹入赤海資持
令旨除寺門貢賦及賜白金作佛事三晝夜云云攷
乙卯爲憲宗卽位之五年阿里不哥元史無傳散見
本紀及諸王表史稱阿里不哥睿宗第七子世祖之
弟憲宗崩於蜀世祖在鄂先朝諸臣阿藍答兒渾都
海脫火思脫里赤等謀立阿里不哥中統元年四月
阿里不哥僭號於和林七月帝自將討阿里不哥斬

阿藍答兒及渾都海西土平二年十月庚寅朔帝自將討阿里不哥遇於昔木土腦兒之地大破之追北五十餘里帝親率諸軍躡其後其部將阿脫等降阿里不哥北遁至元元年庚子阿里不哥與諸王王龍答失阿速帶昔里給及其諫臣不魯花忽察禿滿阿里察脫忽思等來歸詔諸王皆太祖之裔並釋不問其謀臣不魯花等皆伏誅真定始爲太宗太后湯沐邑事在太宗八年丙申見太宗紀而食貨志載睿宗子阿里不哥大王位丙申年分撥真定路八萬戶與紀所稱憲宗分封諸弟年分不合以理度之其地始爲太后湯沐後爲睿宗所有睿宗崩因以授阿里不

哥憲宗分封諸弟亦遂仍其舊而不改真定爲阿里
不哥分地旣見食貨志又見張礎傳傳稱礎真定人
丙辰歲平章廉希憲薦礎於世祖潛邸時真定爲諸
王阿里不哥分地阿里不哥以礎不附已銜之遣使
言於世祖云云攷丙辰爲憲宗六年明年夏帝自將
南伐阿里不哥卽留守和林碑稱今年二月十三日
王命賜白金云云案碑稱今年卽立碑之歲憲宗九
年也計是時阿里不哥在和林不一年而僭位拒命
矣札古兒歹入赤海禿思吉歹塔合住塔必牙察塔
兒孫等皆無攷丞相潤瀾歹元史宰相表中統以前
宰執皆闕憲宗紀亦不見其名惟宰相表中統二年

有左丞澗澗又天園初有平章政事澗澗台台万字
音相近然與此時代懸絕決非一人攷世祖本紀有
都元帥澗澗帶疑卽其人又記中有塔必暨少林金
燈二老皆無攷本菴大宗師當卽遺山爲作詩集序
者名英見元遺山文集

五嶽觀碑

碑高六尺一寸廣二尺八寸二十五行行四
十字正書篆額中統四年九月立今在晉州

晉州五嶽觀碑

晉州五嶽觀碑

州學教授任 毅撰 學錄朱 文禮書丹 真定
府神霄玉清萬壽宮知宮張 志導 篆額

夫道者先地先天無體無名視之不足見聽之不足聞
用之不可既妙萬物而爲言者也道雖無名而所以發
揚固大之者則在乎人而已本州 五嶽觀西望恒山
南連滹水其餘勝景古迹不可備載真可建琳宮之地
也 通微大師創建是觀 師本單州人姓朱氏名志
希子夷其字也自幼好道年過弱冠遂頓拋塵網棄俗
出家拜 清平老爲引度師此 師之出家始迹也至
大朝丁丑歲 師初到此州東關坐靜修行時有會
首李元輩日給飲食 師一日同秦志朴遇

長春真人請法真人遂以頌付之云莫問天機事怎生
惟修陰德念長更人生返覆皆仙道日日操持盡力行

師自此得法心地開通性珠朗耀後度徒衆道士女
冠數十人至丁亥志朴同會首李元輩詣元帥府出
給觀地四至公據當年夏五月奉國上將軍右副元
帥王公為功德主修蓋正殿塑

太上七真正像復建廚房道房十餘間壬丁酉又建
五嶽廟正殿塑五嶽聖像凡所經營締構者遠近大小
皆有其口於本州之東西卓宿里建通微觀州之北祖
祥里建園余庵俱作下院此非能發揚闢大其道者不
足以致是功也至甲寅師年八十有五夏六月十有
三日羽化歷三七日方始安措其容體殊不變人皆異
之師臨終有辭世頌云時人笑我太癡癡八十五歲

樂希夷逍遙洞府無拘束明月清風送我歸 師之弟
子知觀秦公承 掌教真常真人法賜金冠道服克一
州四縣道正在任十年之間園門中咸服其公平焉公
年近耄耋而輒辭其職至中統二年公辭世公之同母
弟秦志永本觀修行住持亦以久矣蒙 掌教誠明真
人法旨令承襲乃兄道正之職辛酉秋共議刻石本州
學校舉事韓君正□與道正輩同詣僕求文堅辭不可
得乃因師之行狀以文其始終復為銘云

師初捨俗 萌心固早 性如赤子 真能養浩 求
引度師 拜清平老 雲游諸郡 皆服得道 丁丑
之秋 始屈是州 適逢信士 共為挽留 王帥敬

禮 觀興有由 三清五嶽 殿宇繼修 興緣既畢

師方羽化 平昔為人 淳而不詐 所積功行

真人相亞 敬作碑銘 愚言非訖

中統四年九月 日 道正秦志永 建 黃山

石匠楊元 石宣 陳用刊

宣授千戶王安國 宣授千戶王安民 奧魯千戶

王安德

宣差節度使功德主王安仁 宣差次三官楊國珎

節度判官王 端

宣差達魯火赤合刺只 宣差節度同知兼提舉學校

王安上

右碑任毅撰朱文禮書張志導篆額毅文禮見府州志毅列銜爲州學教授文禮爲學錄案元百官志儒學教授秩九品諸路各設一員及學正一員學錄一員散府上中州亦設教授一員下州設學正一員晉州復立於中統二年地理志不詳其上中下之等而既有教授又有學錄亦與百官志所載不符蓋中統時之制如此志序所謂繁間因乎時者史亦莫得而詳焉神霄玉清萬壽宮正定府縣志不載宋史徽宗本紀政和七年二月辛未改天寧萬壽觀爲神霄玉清萬壽宮重和元年三月丁酉知建昌陳并等改建神霄宮不虔及科決道士詔並勒停又宣和元年三

月甲子知登州宗澤坐建神霄宮不虔除名編管又方技傳徽宗訪方士於左道錄徐知常以林靈素對既見大言曰天有九霄而神霄爲最高其治曰府神霄玉清王者上帝之長子主南方號稱長生大帝君陛下是也既下降於世其弟清華帝君者主東方攝領之云云又云天下皆建神霄萬壽宮文獻通攷云徽宗置道學升貢及三歲大比法同科舉應天下神霄玉清萬壽天慶觀知及副知並以學校登科人充其餘宮觀亦依此據此知眞定神霄玉清萬壽宮及知宮之名皆起於宋元初尚沿其故名今遺址無可攷矣五嶽觀爲朱志希所創建故碑中詳敘創建始

末及志希生平府志以觀爲唐開元中建者誤志希
見府州志釋道傳長春其人卽卽處機見元史釋老
傳金史百官志有都元帥左右副元帥之職元志亦
有都元帥府及副元帥之官而不言分左右此云右
副元帥王公蓋元初之制大率皆循金舊耳王公之
名不可攷又碑稱師弟子知觀秦公承掌教眞常眞
人法賜金冠道服充一州四縣道正中統二年辭世
同母弟志永蒙掌教誠明眞人法旨令承襲道正云
云秦公卽志朴眞常卽李眞常元史憲宗本紀元年
辛亥以道士李眞常掌道教事是也誠明眞人無攷
碑後題名稱宣授千戶者二曰王安國王安民與魯

千戶曰王安德又有宣差節度使功德主王安仁宣
差次三官楊國珍節度判官王端宣差達魯火赤合
刺只宣差節度同知兼提舉學校王安上合刺只無
攷楊國珍王端見府州志職官表安仁與元史世祖
本紀中統二年及選舉志學校篇太醫副史王安仁
是兩人府州志名宦傳稱安仁字壽卿爲晉州節度
使其弟安上爲節度同知兄弟臨政緩賦寬徭修明
禮教州人感之樹碑頌德號爲賢節度又安國安民
安德皆安仁弟元史憲宗本紀四年甲寅張柔遣張
信將入漢軍戍潁州王安國將四千戶渡漢南深入
而還未知卽此王安國否元百官志一品至五品爲

宣授六品至九品爲勅授勅授則中書署牒宣授則以制命之又宋孟珙蒙撻備錄云彼奉使曰宣差自皇帝或國王處來者所過州縣及管兵頭口處悉來尊敬不問官之高卑皆分庭抗禮穿戟門坐於州郡設廳之上太守親跪以効勤宿於黃堂廳事之內鼓吹旗幟妓樂郊外迎送之又官制四曰宣差逐州守臣皆曰節使又考金史武仙傳興定元年仙破石海於真定宣差招撫使惟宏請加官賞又有宣差總領黃國三合又沈邱尉曹政承制召兵西山防禦使李天祥不用命政斬之以徇仙至怒曰今日宣差來起軍明日宣差來起軍因此軍卒戰亡殆盡矣云云又

郭文振累官邈州刺史有功當遷乃以本充宣差從
宣都提控又王賓傳有李喜住者本宿州衆僧奴下
宣差金百官志百官俸給諸馳驛及長行馬職官日
給下注云謂奉宣省院臺部委差或許差者下文置
所等官同又隨朝吏員等日給錢下注云宣差及省
部差委官踏逐者引者亦同據此知宣差名目不起
於元初金時已有之元初爲使臣後以此加五品以
上官中統間猶與宣授並行不廢至至元中定制五
品以上皆曰宣授而後外官入銜遂鮮宣差之名今
以此碑列銜定之千戶稱宣授節度稱宣差似宣差
較尊於宣授矣元百官志諸路總管府兼管勸農江

北則兼諸軍與魯散府達魯花赤知府或府尹領勸
農與魯與路同與魯譯言本居處也元文類經世大
典軍制序云軍出征戍家在鄉里曰與魯州縣長官
列銜兼與魯官以莅之中統四年春正月甲午立十
路與魯總管府乙巳諭諸路漢軍與魯毋隸各萬戶
魯領百官志無與魯千戶案碑立於中統四年與魯
總管卽置於是歲又百官志無節度使之職此題節
度使者元初沿襲金制故州鎮猶有節度使官迨至
元初諸路量設總管府然後節度使之名始廢合刺
只列銜爲宜差達魯火赤案達魯火赤卽達魯花赤
元史太祖紀十八年癸未夏初置達魯花赤監治郡

縣達魯花赤譯言掌印官亦云頭目元制內外官其
長則蒙古人爲之漢人南人貳焉蓋達魯花赤在郡
則爲監郡在縣則爲監縣王安上列銜宣差節度同
知兼提舉學校元史選舉志學校篇太宗六年設國
子總教及提舉官世祖紀中統二年九月丙子王鶚
請於各路選委博學老儒一人提舉本路學校特詔
立諸路提舉學校官以王萬慶敬鈗等三十人充之
王安上所兼之提舉學校當是中統二年始立儒學
提舉時選充卽王萬慶等三十人之一耳與魯楊國
珍列銜宣差次三官百官志無次三官之職世祖紀
至元二十八年四月甲戌詔各路府司縣長次官兼

管諸軍與魯兵志成宗大德二年十二月定各省提
調軍馬官凡用隨從軍士蒙古長官三十名次官二
十名漢人十名王珍傳歲庚子入見太宗授總帥本
路軍馬管民次官佩金符又京師正陽門內西長安
街雙塔寺內有大蒙古國燕京大慶壽寺西掌海雲
禪師碑記撰文者列銜燕京編修所次二官王萬慶
元史太宗本紀八年丙辰夏六月耶律楚材請立編
修所於燕京經籍所於平陽編籍經史召儒士梁陟
充長官以王萬慶趙著副之據此知元初職官凡正
者皆名長官其副則有次官次二次三之稱矣

王善神道碑銘

碑高八尺五寸廣三尺四寸五分三十二行行六十六字行書隸額至元五年三月二十六日立今在橐城縣北四十里南孟村墓上

故知軍山府事王公神道碑銘

故金吾衛上將軍知中山府事王公神道

缺

翰林學士知

口誥同修

國史李治撰文并

書丹題額

真定居天下為重鎮豪居真之為劇縣當

大朝大造之始樹大功都大名者是縣有三人焉曰金吾中山知府王公龍常大帥董公永安軍節度使趙公若龍虎若永安之神道實治也為之文今而金吾之子鄧州征行千戶慶源復涕泗捧公行述來謁治雖病廢

寧敢辭謹案公諱善字子善世籍稟人曾王父珪王父
福鏗彩不耀父增嘗監本縣酒稅竭力事親里閭用勸
公姿雄偉音吐若鍾為人固裕多智略騎射寡耦大安
失御貞祐播遷田疇污萊人無所取飽公寧榜怒以甘
旨奉母伯父歿廬墓且數月其至性如此乙亥歲荐饑
人相食盜蠶起公諭里人曰今茲喪亂我輩不有以協
同保聚則為人所魚肉去矣衆款服推公為冠公課人
種禾三頃西成將銓艾羣寇環奪禦備有方竟微遺秉
之失累功主本縣簿撫字填過近者以恬遠者以肅戊
寅擢中山府治中時真定總管武仙陰蓄異志忌公威
決令知中山府事李濟府判郭安圖之己卯秋八月濟

安張宴設召公議事公甫入儀門見甲士掩庭內樓上一卒遽卷紅旗納殲中公覺有甚毒以忘所帶牌給衆亟遣□蒼猝祇有兵□八十慷慨結誓人百其勇遂誅濟安其黨四千迸散公使諭之曰覺端自出李郭爾曹何罪去留惟所欲於是無極簿趙鼓城簿周同日來附公曰若等姑往俟鯁鯁剪滅歸我未晚公夜卧北城上復誡其□下曰毋為我累而家當持吾首獻帥府羣議曰公曷為出此言我等惟有效死而已翼日公遂率衆投命

天朝隨授金符同知中山府事其年冬十一月以平三
百攻仙於真定仙遣驍將以勁兵二千拒戰公擒斬之

仙慟哭走獲鹿仍委其倖段琛城守旬浹聞公復以精
甲拔之乃入據焉威聲震疊自中山以南州郡降者凡
四十有二庠辰遷中山真定等路招討使尋加右副元
帥驃騎大將軍移屯藁城壬午昇橐為永安州匡國軍
以公行元帥府事癸未進金吾衛上將軍左副元帥武
仙既窘蹙泥首請降

朝廷推殊恩仍位真定總管猶懷褻怨數肆侵襲然而
來輒貶鯁卒遣使求好公愛惜民力強為講解甲申公
奏白仙狼子野心終必及噬俄□修城之檄乙酉春三
月浚築未畢仙果反秋以萬騎來攻火及西關仙屢北
追之三十里仙使其提控宋元護送老穉四千南竄公

躡及高邑獲之俾盡復其業仙自料不能與公對棄真
定西壁抱犢又被圍急夜縱數騎奔河南其偏裨匍匐
來歸聽約束往往至今拜穹宮丙戌策勲頒賞佩金帛
符行元帥府事如故無何劇賊傳二暴甚躡血蹂傍
郡公親撲討殲焉家家自以為更生壬辰從大軍攻鄭
州州將馬伯堅映睥睨曰如橐帥王公在此願以城
降公免胄與語邀明伯堅泊其父老縑黃寺千人齎餽
醪禮幣出郭迎拜公即曰下令軍無騷民皆按堵凱
旋男女從而北渡者以萬計分處田里若歸故居丙申
改同知真定府事兼河北西路兵馬副都總管辛丑遷
知中山府事屬縣新樂南北要衝館穀將迎日不暇給

公移文均役省民費十分之五但遇急歛艱於應猝又
罄以家資代供數年中管內無窮人之諺方享壽祺奄
嬰疾疹比易簀僅奴口五百悉縱遣為齊民以癸卯夏
六月二十有六日薨于正寢春秋六十有一以七月四
日葬于奉化鄉南孟里之先塋公平生行無表襮言無
枝葉赤心待物士出死力故能以八十人勝安喜之四
千四十人賺上黨之二千是豈有他哉惟一實耳為將
帥三十年未嘗殺降其拔真定而復還中山也李全叛
援閉門不納以計破平之猶釋不誅則餘可知矣及其
部下有盜人一釵斫人一樹者必以法痛緝之其料事
則龜策前知其莅民則冰蘖自處至於延萬松老師以

資戒館溥南先生以教子是又薦實而日新者也夫人
八曰楊氏張氏魏氏李氏張氏崔氏姚氏袁氏如夫人
者二十有一曰五李氏二常氏四張氏二馬氏暨閭蕭
馮黃楊蔚焦郭氏男二十一人長慶淵趨勇尚氣節攝
父職以千戶征淮南死王事次慶源孝友自天材武過
人金符征行千戶鎮鄧州次慶溥嚴毅有守同知易州
事次慶滋次慶祥橐城縣丞次慶洽次慶洋橐城諸軍
長官次慶昌次慶澤晉州酒稅提領次慶基蚤世次慶
端金符武衛軍千戶次慶潤從釋氏次慶修為黃冠次
慶渥慶□慶洪慶崇慶川慶延慶衍慶洵皆稱保家主
洪崇復始學不知厭文十一人長適曲陽征行千戶佩

金符郎激次適武衛軍千戶佩金符董文蔚次適真定
路轉運使佩金符趙椿齡次適前江漢大都督今東平
路總管佩金虎符史權次適燕京權便宜府事劉忠次
蚤世次適順天征行千戶佩金符賈文謙次適蠡州權
府姚禎之子毅次適前侍衛親軍都指揮使今河南等
路統軍行軍萬戶佩金帟符董文炳次適真定宣差素
亨甫次適同里素圍男孫三十五人女孫三十一人男
曾孫二人女曾孫二人銘曰

駁馬非檀栢蠲奚鞭齊人飾詐啓淮南之侮而絳侯椎
直止漢鼎之遷堂堂金吾秉心塞淵驚勇外錄沈幾內
研先計後戰抱憤逃仙鄭庸言言伯堅告虔降附不殺

煥休釋憐俘幽千群未始瘠捐帥十國之連比屋鳴絃
宜爾螫螫赫奕聯翩天畀其全有誅斯鐫嗚呼噫嘻捷
戎軒而佩英蕩者多矣誰如公如是之賢

至元五年歲次戊辰春三月二十有六日立石 黃

山楊榮刊

右神道碑銘李治撰并書丹題額治字仁卿真定樂
城人登金進士第事蹟具本傳又傳載治有敬齋文
集四十卷今佚碑載董俊趙迪二碑皆其所撰趙墓
久湮碑文縣志失載惟此文與董碑並存元史卽本
此立傳善本傳皇慶中封冀國公謚武靖治撰碑時
褒贈未下故不載又傳僅載公父增而曾祖珪祖福

之名見善孫桓所刻世系圖碑載誅李齊郭安及攻武仙事與本傳略同諸府之有治中金史百官志不載蓋史之漏略矣碑云庚寅遷中山真定等路招討使尋加右副元帥驃騎大將軍移屯橐城壬午昇橐城爲永安州匡國軍以公行元帥府事案元百官志武散官有驃騎衛上將軍而無驃騎大將軍又地理志以橐城之改永安州在太宗六年據碑當爲太祖之十七年自當以碑爲正又攷元初州邑歸附多升爲軍如晉州爲昔陽軍之類疆域既定隨即革去故匡國軍之名地志所不能悉載也又碑云仙使其提控宋元護送老稚四千南竄公驍及高邑獲之仙棄

真定西壁抱犢丙戌頒賞金虎符行元帥府事如故
云云提控宋元無攷金史稱元光時招義軍設總領
提控等官此卽置提控之始抱犢山舊名草山在獲
鹿縣西八里金百官志虎符之制永安元年製其符
用虎並五左一右左留御前以侍臣親密者掌之其
右符隨路統軍司招討司長官主之此制元亦襲用
惟行省萬戶始得佩蓋典兵要職也碑又云公爲將
帥三十年未嘗殺降其拔真定而復還中山也李全
叛閉門不納以計破平之釋不誅此事與討劇賊傳
二事本傳俱未載又云延萬松老師以資戒館澤南
先生以教子案萬松老師名行秀卽耶律楚材從之

學道者見湛然居士集館溥南先生當在金亡後若
虛微服北歸之時若虛金史有傳碑又云夫人八人
如夫人二十有一惟李氏見李謙所撰墓銘餘無攷
男二十一人慶淵慶源等名次與王氏世系圖所列
俱合慶淵附見善傳慶端元史自有傳又詳見閭役
所撰神道碑惟世系圖慶源作征行萬戶慶溥作易
州路治中慶祥作韶州總管府判慶洋作興魯千戶
慶潤作□□□僧錄慶洪作□州□慶衍作充提
舉蓋皆據後來所莅官著之故與此不同慶澤列銜
爲晉州酒稅提領案元食貨志太宗辛卯年立酒醋
務坊場官以各州府司縣長官充提點官隸徵收課

稅所提領蓋卽提點若百官志所云諸路總管府有
稅務提領一員則是總管府之提領非課稅所之提
領也碑載公女所適之人卽激當卽卽順之子姪行
元史順傳順行唐人籍於曲陽縣以功佩金符爲行
軍萬戶子浹襲職激亦以水旁命名其爲浹澤之第
弟無疑董文炳文蔚俱俊子文炳元史有傳文蔚附
俊傳後趙椿齡爲趙迪子見迪傳史權天倪子元史
附天倪傳劉忠賈文謙姚毅袁亨甫索口俱無攷元
史地理志大都路唐幽州范陽郡遼改燕京金遷都
爲大興府元太祖十年克燕初爲燕京路總管大興
府至元元年改中都其大興府仍舊四年遷都九年

改大都十九年置留守司二十一年置大都路總管
府劉忠列銜爲燕京權便宜府事當卽權總管府也
眞定路轉運使百官志不載世祖本紀中統三年十
二月辛酉立諸路轉運司以燕京路監權官曹澤等
爲使又四年正月丙戌改諸路監權課稅所及清涼
深鹽提領爲轉運司是也又河南等路統軍百官志
不載世祖中統三年十二月丙辰立河南山東兩路
統軍司自亳州至均州諸萬戶隸河南宿州至海州
諸萬戶隸山東攻文炳之爲河南副統軍在至元二
年至七年改山東路副統軍碑列銜正與史合又百
官志中統三年初置武衛至元元年改侍衛八年改

左右中三衛有都指揮使三其屬有行軍千戶十員
案碑建於至元五年其時武衛已改爲侍衛慶端列
衛猶作武衛軍千戶蓋未改時所授之官也